

今白華堂文集

今白華堂文集目

卷一

賦

卷二

賦

卷三

詔
恭紀冊文

卷四

恭紀冊文

卷五

議疏

卷六

奏議

卷七

奏議

卷八

奏議

卷九

論

卷十

序

卷十一

序

卷十二

跋

卷十三

跋

卷十四

書後
題誌

卷十五

題誌

卷十六

記

卷十七

碑說

卷十八

銘
箴
贊
頌

卷十九

辨
釋
解
連珠
雜著
對策
募疏

卷二十

書

卷二十一

書 啟 看語 檄

卷二十二

表 謝摺

卷二十三

謝摺

卷二十四

贈送序

卷二十五

壽序

卷二十六

壽序

卷二十七

傳

卷二十八

傳

卷二十九

墓誌銘

卷三十

墓表

卷三十一

行狀

卷三十二

誄 哀詞 祭文 疏文

應制景福宮賦

法宮紫微垣之東有景福之宮焉粵若

聖祖誕受多祜奉

坤輿於長樂作甯壽而匹華渚錫嘉名以表瑞茂景秩以
安愈亦越

高宗德全功成範皇極之斂敷協乾則於泰甯休徵旣備
耄念時敕乃葺甯壽爰暨景福昭純禧於五代推禪應於
好德爾其景福之爲宮也豐隆穹崇峩崔巍結基宇之
固護峙游極而高持瀏濫閔恂環瑋博敞流景耀之赫葩
配中垣而垂象故其規渠二儀沖陰和陽備物制度昭庸

憲章長楹山豎以旅植棟桴虹互而高驤夢棹狎獵以雲
構欒栢離婁而箕張高蓑迢遞以弁戴飛欄岌業而翼翔
重阿襲沓以龍騫反宇超忽而鳥頽彤采藻飾焜麗將皇
綺發組綯葩華杼光納晨曦以霞爛激夕景而電颺旣雕
刻之不侈亦儀度之可詳窗軒方開周達洞啟波黎延朗
通表達裏爾乃列石象嶽透迤巋崢靈木秀植芝房挺生
周以丹草羅以瓊英芬芳春敷翕習秋榮觀四氣之變化
驗時物之生成回羣象於寸眸甄大造於方庭於是六合
時雍九有攸序

聖皇孜孜靡怠勤恤庶政而求民豫進公卿大夫庶士論

思於乾清之宮陳典謨考律度萬幾旣理朝儀旣具乃啟
雕輦回玉鑾爰豫爰遊宜燠宜寒覽庶物之咸若回天情
以盤桓是以福祉總集嘉祥畢單備靈貺之美報高四海
之大觀恬肅慎之楷弩組西王之白環然而

聖上猶乾乾祗祗夙夜不遑襲松雲之棟牖見

堯舜於羹牆於是乎三事常伯鴻生鉅儒或進而稱曰昔
我

先皇帝之記景福也申述天命錫福之原在於敬天愛民
勤政親賢昭示後世勿忘勿愆維我

聖皇顧謐昭假日暘日雨天符炳章我則勿數斯乃伊耆

氏所以則大也。蠲租貸賦，湛恩滂洋。一夫不獲，若納於隍。斯乃姬文所以惠鮮也。飭吏治，求直言，稽古憲典，綱周目完，同符成周立政。董官稂莠，拔嘉生，崇搜巖採，林周行。是庸方諸重華，關門達聰。若然，則道罔隆而不就業，罔圖而不臻。重熙景鑠，統和天人。雖古之定天保歌，采薇曷以尙茲五福。五代衍百男萬葉，而克縣也。豈不盛哉。遂詩之曰：於皇時清，世有。

聖皇天集厥命，申之休祥。休祥維何？本支百世。一堂五代，景福用紀。上天之緯，旭卉有徵。

聖皇茂對其艱，其承維福集。

聖維

聖先天侍臣作歌以揆萬年

應制喜雨賦

省歲兮維欽元貺兮孚忱陰陽兮六氣天人兮一心驗
然於庶彙徵肅若於時霖貯寶瓊而漿滿沃天瓢而液斟
霽

皇春之蘇燭潤

帝夏之薰琴日雨而雨兮匪今斯今歲紀金穰時交土溽
秋稼未興春膏纔足散小旱以倏風蕩穰陰以晴旭農占
月額之逾

帝睠天紳之續星樞兮宵繼民依雲牖兮朝疑
宸矚結壇而祗寧霏煙紆仗則靈湫鏡漾謚齋房而寅秩

兮懷濡昭靜蹕之儀式闕墮以申虔兮般裔叶迎神之曲
一人薦馨百神效靈義叔掎晷豐隆鼓靈箕伯戢而晨靜
萍翳號而晝冥族雲彭鼻以連嶽澍雨滲漚以接溟透莎
根之蟻垤漏樹頂之魚星煙沈野綠霧洗天青已滿魯恭
之缶堪名蘇軾之亭祈謝同誠肝宵無逸芳奠報禋紺筵
襲吉竚八野之透滋通九霄於呼吸山容罨其乍陰水氣
黶以交集翠蓋轉而靈澤飛青壇濡而燎煙畢涼飄銀竹
兮雲歌風管之聲潤浥玉塵兮繡陌銅街之色聆翻盆於
清曉兮何須到鼓一中盼垂綆於長空兮奚啻請天三日
淋淋浪浪浩浩洋洋轉廉纖而澎湃間颯灑以澎湃迸干

林之滃鬱殷萬鼓之雷礪驅黑蜮於大澤挂白龍於高閭
捲春江以入戶挾旋風以滿堂濺玉則溝阬俱溢跳珠則
斗斛甬量雲漬而金蛇更掣颺迴而石鷺猶翔綯時葩兮
榴豔熟俊果兮梅黃棗圃發清璣之彩瓜畦爛文貝之光
連郊薦爽接苑生香館深栢密人健松涼溽景一清農歌
四起作息軒簷喁于宮徵酌堯樽於壤衢慶禹糧之億秭
一莖之穗分根九期之禾連理莫不浹日翻形芳花當齒
朝漱潤於瓊田暮流甘於金耜聽鳩上隴兮深樹炊煙驅
犢平岡兮夕陽流水鱗鋪則秀莖揚芬雞卜則黃圖兆祉
紀崇朝之慰望兮雲飛而雲藻俱飛慶巾寓之需恩兮天

喜而

天顏有喜蓋惟

聖天子紹馨業法上圓戴翼翼懋乾乾漑寰區之福壤布
太極之神泉敷蔭導其津潤亭藹消其伏愆周鴈戶兮太
倉振植雞竿兮圖土蠲祥飭普兮轉化精禋格兮回天應
調幕兮暘雨資播琴兮陌阡況嵩岱兮助順渥齊豫兮連
絳澤施兮養日福錫兮康年孰不訢訢然游原而泳沫兮
頌

聖德之暢垓而泝埏

孔雀賦

孔雀炎方之偉鳥也棲跼幽阻羽毛自奇翔集簾箸有裴
裒顧影之意雖見纒絰不肯騫播致殘蓋鳥之欲以文見
者也嗟乎物亦以獲用於人爲貴耳若乃靳茲嬰網獎彼
憚犧崇搶地之規昧登階之旨不其猥乎有感於懷爰著
斯賦

伊炎嶠之遐裔有瑰偉之珍禽稟鶉虛之正曜託丹穴之
曾岑竦脩軀之翹特疊綺彩之緜繆喙疑丹以渥赭輔點
燁而慙金襞輕容以純領裂絳練以裁襟迎暈曦以振距
順飄風以揚音夫其寄迹幽遐靈表可嘉景化侔鶴風振

偶蛇朝餐思牢之竹實夕茹永昌之桐蔭歷五祀以養秀
際三春而挾華潛身玉洞瑩尾金沙雖暫憇而必擇洵詳
案而周峨畏涖顧之濡敗防箕踵之偏頗願全性於巖壑
豈貪餌於罌羅顧有美之必著終騰彩乎澗壑乃集詠客
召狔僮跨三梁而張罽絕九真而布置窮嶽寄之峻岳探
發飢之深叢殫遐蒐而隱剔務求雋而得雄被金華以一
目晉藻翰以繪紅爾乃罹之不鸞撫之不翬順理閒逸知
幾從容辭蜚果之逕俗慕熒朗之華風雖暫屈而卽達遠
馳獻乎漢宮於是寵之以雕園蔭之以芳樹啄玉梁之香
粒啜金莖之餘露陋軒鶴之驕容岵斂鳳之局步感綦育

之殊恩每翔翥而齡顧若乃珠館春還璇林氣鮮羣鄂弄
郁衆芳藟妍按衛伶之籥翟命晉野以管絃舊妝融燭袪
服褊褊逢拍尾而意佚聽彈指而情騫倏聳容而愕立先
櫛沐而聲傳五色玢以悅睽羌形態之萬千始傑儻以漸
布繼璘璣而畢呈宛龜背以隆起俛鸞頸之媚姪峩翠弁
以表度端黝目以凝睛揚翎轂之葳蕤若熠燿乎繁星燦
金錢以列弗灼繡黼之連緋藻輪囷而靡定文倏霅而疊
更舞投節乎祝鯨韻鰓和乎咸謖遂使夏翟潛形山雞斂
翰八彩慙鮮三英敝粲尙猶宛轉低徊闐闐淩亂極渠步
而掣翔奉君王之一盼噫火離之宵類何才質之獨奇始

潛深而處顯若霧隱以養姿逮遭際而呈身又懷寶之不
迷親帝所之炫燿厭炎飢之喧卑裒九德而特顯登三階
而作儀故得圖形黼綴寫貌瑤池彼巢林之鷦鷯與斷尾
之家雞雖飽死乎藩棘曾何足以語其識時

興廉舉孝詔

擬元朔元年

上古至治立進善之旌尙廉能崇孝行而天下嚮風惟公
卿大夫宣上德意輔世導民廣選豪俊爲能壹統類以美
風俗也朕夕寢晨興務法隆古嘉與海內孝敬耆老昭潔
白之士顯無欲之路綜覽前典祈迪斯民深詔執事興廉
舉孝夫十步之內必有香草五耦之間必式耕者今或闔
郡不得一人豈實人情是吏奉教不勤而使吾所以勸積
行者不明也將何以進天下賢俊才能俾其臻斯路哉古
云蔽賢之罪大其與二千石禮官博士議不舉孝廉者罪
此乙丑應朝考作向例新進士朝考論一帖體詩

一擬詔一疏一至嘉慶二十二年丁丑科有旨罷擬

詔存此篇聊誌舊制

冊封琉球國王詔

朕惟王者大一統俾海隅出日以徠臣天子君萬邦象地
上有水以建國七鬯承庥乎燕翼世守宜延梯航通款於
鴻臚藩封用錫爾琉球國作屏瀛壤受爵天朝聯閩粵之
疆圻悉主悉臣罔內外衍歡斯之譜牒有典有則貽子孫
中山王世孫尙灝甫踰舞勺之年克表如璋之望繩其祖
武其球繼集於歲時同我太平島嶼恪遵夫正朔石駟順
趨風之舶蒲影常懸金鰲竦戴日之峰葵忱蚤鑒茲以序
當纘服表懇嗣封特遣正使翰林院編修齊鯤副使戶科
給事中費錫章齎詔往封爾爲琉球國中山王爾國臣工

以暨士庶其咸輔乃王益勵虔其永膺祉祚當識天無私
覆本東漸南暨以攸同恆占海不揚波偕烏弋黃支而並
輳於戲能得衆則得國麟符統南北之山有分土無分民
龍節鎮卯辰之域故茲誥示咸使聞知

演典

今

皇上御極之十年醴化帀洽八紘蹈舞洽重熙乎數世迺
繹思

祖德

宗功舉謁

陵上儀循

聖祖三巡

高宗四巡之前典宏孝治羨闡澤也臣惟重來上陵之曲
播乎漢禩其詞怪多匙實若晉崇陽唐三原宋永昌率爾

在郊圻儀節淺短不足以資掌故嘗遠稽黃帝以來惟周
雅推本先人而豐宮畢陌時見傳記尙此無聞焉竊思古
聖帝哲王明示掌之治必不忘祭墓特書缺有間耳我

朝

聖

聖相承創繼越乎隆古非尋常咫尺聞所可綴謹按尙書首
典爾雅曰典常也經也復有加冊於閣之義以尊常經也
臣殫思紀述求當體裁謂宜援唐虞書例因以互黃軒包
三代補往昔之缺略隆

熙朝之光被撰演典一篇恭呈

睿覽其詞曰

伊泰初肇廓漢垠因显胚渾毓質以毒品形以亭青赤錯
糅五運嬗成爰感靈威詹乎汁光紀智智昧昧繫傳虞
胥之次者往莫蹤其始也載覽八九之遐迹恢世本肇茂
緒者罔不啟軌乎少典壽邱之域負哉邃乎倣勗精靈而
著胄也若夫黃雲三河大虹姚墟石紐以降厯子商迄駘
幽而蒼籙纂慶於翠渚亦用寵靈寶命椎輪皇輿以闡釋
締構歌大予登垌帝王之祚豈不揆厥所元歟或曰傳稱
上祭於畢又言朝豐宮綜斯以談肇祀炳於姬宗假典閭
於前禋是以鯁儒末學嘉藏魄而不他微文碎義傳墓祭

而弗蹉然彼無異端沮誦咎僞終古之業失焄蒿臍蠻合
莫之旨渺渠則仁義必有不能蠡測云爾洋洋哉上德甄
崇貺儲厚祉孝理所鈇規緣情可瞻契已夫廟以貌者思
居處宗以尊者徧直索泛觀天祭地事焉郊而違吉土升
禮而遠中嶽況有翊裕前聖億萬載功業緬省開迹之區
而忘醜格者哉

聖清龍興萌氓哉生僚上元曜之闔苞迺先受命乎

帝女清陽鵲果日精月英以發祥流慶然後湊元符涌黃
瑞梯鵬霄裁鰲極俄朵闔門白岳黑渤之介

真人是宅宿源燥而未轡則淵蛭蠖濩乾拱坤峙震方嶺

朗尙不奮其造因迪

三聖之睿謨演滿珠之璿圖顯號建而上都奕尊名施而
大東撫厥漸風濡化者踰竊越體會昌

帝載行跂動喙翹我

太祖

太祖嚆之穹幙權輿三田二姓弭靈於尼堪外蘭赫圖阿
拉咸入我境始禋威蕭斧展旗躍舉經甌脫蹟鹵大漠之
野雍青陽封豕狹獮之犖裂圖倫以鼙鼓剿棟鄂以潤鍰
刷馬愛渾磨下薩爾濟之原厥聲隆隆烈烈業業五日三
捷而九服颺徹矣於斯之時四溟電燦雷動雨馳千靈奔

走埽除二儀豁達其蹟列荒阻肩伐成功者蓋十有三甲
所以表歸助之鴻運震敗基之潛諠苞珍黷之上游磐青
陽之古封也卓哉神京天室網絡遼水重襲正陽契墨食
龜曰維無疆矧夫明明上天巍巍

太宗準齊若一以闡松山杏山大凌河之不績甯遠砥屬
錦州襟帶蒙古讐慄句麗厲揭蛾伏樹領

太宗嘔喻受之奠黃鉉於罔外惟明畿在掌蹉我民無劉
振凱文衢崇規乎誼讓會覽睿哲之宏陳侔神明與之爲
列也於是元氣鬯通億品靡鴻肅園壇方圻以鎮之抗清
甯崇政以莅之揭兩坊十亭以旌之銓三院六曹以班之

勒八纒二翼以蔽之觀夫玉璽之所鶡鴒金墉之所環絡
國書之所汜濩雖山海岳瀆伯翳之經程斯略矣若閑二
龍檠神珧式鹿椅斐蘭鈕勘威弧之利垂霞棚剗山觀文
之訖浹額林施函含淳之俗成呼蘭法喇不匱之生廡俾
重舌之隸格來止旅使犬使鹿騰歡一簇以瞻雲帷裳而
天柱啟運隆業之嵯峨互丕丕基濯厥靈乎其上繩契以
往受命垂統之際蓄精儲思勤貽燕覆以懿錄有若斯之
爲烈哉荃宰格矣蘿圖席矣

世祖章皇帝乘龍展雲馭光道經純蓋神鼎之奠實維造
禍厥弓劍而來焉嗣服配京六旬三駕熙洽于

聖祖服齊中宮宵旰在懇光耿于

世宗貞度考憲永言維則道豐于

高宗自曩籍所不綴神民所不覲宣詰所不逮覺德所不愷皇皇乎罔弗徹顯於百有五十載之七巡已逮我

皇上執中以概絃繹震紹衣黃陟降倬然東顧眷茲事體大次於

聖心故迺內運龍德虔鞏宥密使馨業配乎前功寶運篤乎元同不浹辰月而萬寓嶽從蓋理邁作求治升王往於昭帝左固已豫嘉祥示饗

聖上猶敷繹而恭讓也方且勤恁

烈祖雲雷草昧之難辛渙揚

烈宗昭回星漢之鴻明積和之氣交神參贊之原至誠夫
百祀肅將基命也啟誦

實錄率由也勤政時敕迪康也救甯三省繼伐也莅雍幸
院秉文也歲藉四推綬豐也臚言廣聽丕單也河條順軌
允翁也越南底貢德致也昔姬有舟輶徹單復穴陟茶之
事耳繼體告功昭明寅畏承聿懷之福於歸本之義當焉
豈況我遼瀋陪都作宏啟佑述昭展謁允跨殷轡夏輶虞
越唐騰耀黃軒以流示易奕茲

聖繼

聖十年於今匪猶槃維周槃維襲歟

皇帝曰咨朕以歲七月東巡守嗣

聖考朝擢

三陵申蒸蒸之思其夙誓戒具修爰涓大丙啟趨箕伯滌
埃萍翳先驅葩瑤華芝蕨蕤旂興浩灝潢漾率東柳條邊
游臻于九關之塗松岡鬱律殊庥從集藩方塞鄙傑侏軀
輾遡風呀歡草莽冀軒咸雷抃呼萬萬歲八月丙子謁

永陵越二日戊寅謁

福陵若翼日己卯謁

昭陵燎之蕭薌颺靄玉燭搏光金鼎上歆析木

天儀放悲仙仗歟歟導神榆之馥幄驤二白之沛艾指紅
椿之隱鱗御寶城之幽隧以與我

皇上洞屬懷愷觀孚萃格之精相酬對故曰大孝備矣休
德昭清此之謂也庚午

聖駕至盛京肆類於邱澤禋於太室望於羣神酌於勳臣
牲蠶簋豆罔不展錯冠華秉翟罔不濟漆旣殫禮究樂猶
且敷協氣使棣通關崇政前殿而沛綸也

皇帝曰都哉伯兄仲叔季弟幼子童孫迪惟前人光式衍
潢牒在宗燕哉僉拜稽首曰我

皇惇敘淳懿葆毓奉福奉壽惟百世仁飽德醉茲用丕冒

乎天屬哉

皇帝曰汝百辟卿士庶士御事勸襄予惟寅用晉爾爵一級茲朕式序陪位在下若時懋哉僉拜稽首曰

帝德便章懋官賞哉

皇帝曰於爾祠官園吏暨守冢之臣朕及篤敬勛爾脊董勞爾有差惟日監在茲念哉

皇帝曰徠遠服若樂浪若科爾沁子嘉乃世攸服奔走欽我邦守仰安我

先神后其裒錫爾歸爾辟爾長維時受若茲頌祉哉

皇帝曰率時衆三輔跂澤旗莊壤祝畀爾復哉先正有事

先民有德先疇有畎惟生在勤

皇帝曰溥哉虎賁七萃咸作有績其大介賚爾朕茲慶成
旋御敕萬幾敬侍爾供杖俾勿稽是時上下固已金聲玉
色色笑咍咍璫繚羽帟臺墀惟修衢酌庾糈園泉惟頒

天趕惟戀

天行惟邁輶駟虬六螭盛容琴麗淵漩蕩蕩厥睎而喁者
若莅之初矣有天公地公人公之屬欽奉宣

皇帝命曰朕儀昔靈蘭元扈祕軸黯蠹今文溯庾編三萬
有六千往宣重光於璧之躔又

命曰朕鑒穀林九疑雒巡靡周鈞饗勿戾賺茲其如台今

恪虔申志事增珠邱崇於薊之東又

命曰朕繹濬哲長發亦猶猗那崇嚴獨闕如於歸格今祇
循用植槩咸格闕殷於

藝祖之祐闡欽哉欽哉斯蓋豐畢舉而弗輟姬傳隤而猶
陋以補上代之渺旨失業俾充厥道宏惟我

聖清永世光大孝也亦旣該上則浹茂期臚九閭蹈濬熙
宜邇雲紀之疏遼正列典憲崇弁六藝緝振古帝猷王表
摘之罔極不允筭乎乃拜手稽首作歌曰高山作哉九有
截哉

聖猶莫哉載歌曰

帝時柄哉孝典罄哉丕榮鏡哉又歌曰亶厚俾哉斗車迴
哉萬嗣基哉

握河新紀

代

昔帝堯卽政七十載修壇沈璧欽奉丕圖作握河之紀布
在尙書中候越四千九十六載榮光再出德水重潤甲文
薦貺昂精獻期則我

皇上御極之十有三年也先是治永定河底績於六年之
秋復

敕修千里格淀諸隄以十二年秋九月告成冀州牧伯郵
輿進表籲請時巡具陳黎民望幸翹趾樹領之狀情真詞
複不可殫志志其援引典要推本

聖德者略曰臣惟六府莫大於水九州莫先於冀揮神暢

之琴刻仲春之玉厥典尙已欽惟我

皇上邇治提象循機配永敬疊

高宗純皇帝文思晏晏峻德巍巍上下旣格平成咸奏用
繼鬢河櫛泉之略仰慰翼善傳

聖之心昭華承慶於一家莫莢合朔於上古重光景運卽
虞卽唐今天津適在冀域實平陽之舊都

高宗聖駕五臨迺首山之前軌上瑞應期握河兆見請舉
懋典俯答民禩無任翹切待命之至謹拜表以聞於是
廷諸臣歡抃舞蹈進而效八伯之歌曰輝輝日畿雲叢
循川后儲祥猷我

聖人因拜曰維

帝勤民侯不邁哉

帝曰俞朕法

祖法

考以勤民其以來春省方先祇謁

東陵用抒愾慕

曰咨朕惟觀俗惟以導醇蹕路所經母有增飾爾羣牧尙其念哉

曰爾百工各預乃謀肅乃扈事母或不戒於廚傳以擾我
毗迺

命靈臺練時以三月五日辛丑啟駕東華門七校旣陳五
鐘應律太師奏王夏之歌曰熒熒皎旭舒御天門如
帝出震珠旗前屯熒熒皎旭珥轡天衢如

帝見離瓊輶旁趨前有飛靄旁有方相司灑司除供衛供
仗前有汾陽後有姑射溥暢

皇風被茲春陌是日莅煙郊翼日壬寅莅白澗癸卯莅隆
福寺芳野含潤接樹啼鶯燕麥纔青已可覆雉翠罕所屆
暘雨適和維時畿內遠郊及青州豫州並馳報得雨春膏
應念甘澍隨輪滂沱優渥殆不浹日而漑天下焉霑濡之
象欣榮之意於遊春辭見之辭曰知時好雨灑深宵雨後

農歌入聽遙不覺花香黏屐齒卻看煙翠畫裙腰青旂到處雨絲隨別樣風光草意知垂柳影邊春水活單鳩聲外碧雲遲甲辰吉亥謁

東陵珠邱展忱眸容有穆歆鼎薦馨豐融合氣雲景掩靄下映乎金支秀華示饗降福之徵從臣咸覩爰頌孝熙製爲上

陵之曲曰上

陵典禮肅

陵闕鬱蒼蒼羣峰蜿兮驂龍翔朱草濡露芬樹曉列

皇帝來止薦玉豆孝理允浹上告水土旣平曩軌載遵大

業龍祉鴻徽駿尊芝爲柱雲爲蓋祥氣煜其來會

皇帝肅九擇降祚億萬歲大禮告備迺按節復路千旌萬
騎龍趨鳳轉丁未至南苑已酉至盧溝橋盧溝在城南六
年治水所首及蓋貼然順軌者久矣從臣有釋乎盧之名
義因相與講論答述作盧溝對其詞曰夫五行當於五方
坎居正北其方色黑黑謂之盧書曰下土墳壚是也盧溝
濫觴於太原發天池經雷陽會雲中下雁門渾源嗽其吭
桑乾緣其督蛟魚騰舞急湍挾沙嚮嘗有小黃河之稱矣
黃者沙色盧者水之正色惟盧也然後沙汰水潤而治河
之功驗於此矣且禹以水德興錫用元圭故夏后氏尙元

今盧卽元也黃金玉英內景湛然殆將流苞洩符以昭德
至淵泉之象焉斯拱而竢之耳其旁廣惠神祠自康熙中
錫河名爲永定肇崇祀典

高廟加封神號祥異屢昭祠官奉

命升香答社擬玉牒辭以進辭曰河宮孕寶昭景長龜魚
天篆爛未央循盧溝之東折而南至趙北水程中經二百
餘里若良鄉若涿鹿若督亢樓桑紫泉皆名區沃壤鱗塍
錯綺方罨平列時過清明東作未已笈衣簞笠紛聚乎榆
杏之間迺省耕觀稼預戒宿衛毋屏毋呵煙路耕者咸遂
瞻觀軒輶載道或髦或孺爲擊壤之歌爲康衢之謠歌曰

順之以先由之以全混混之化蘊蘊之淵百姓孰知其然哉謠曰奠我下土奠非

帝力以生以成萬物咸植王子莅水程御安福艫龍船蕩漾四望一碧浮空泛景曠若無外山翠西來海雲東至煙靄互結盎然蒸春九十九淀及七十二清河之勝列在畫圖難可舉悉有是鄉文學迎鑾獻賦作爲淀津賦以狀其大概賦曰水國兮漾漾混析木兮天東散晴曦而落鏡捲澄宇而挂虹東西之雨淀爭碧十二之連橋競紅激素迴派飛清引靄左各雲邊中亭天外茅劃灣痕蓮通泊簾覆嶼花重印沽月大河頭夜瀑苑口秋濤鹿分町小鳳倚臺

高紛玉川之溪澗彌瑤塘之周遭莫不涵春若空竟天寫
淥輕條出飛翔鷗落啄織羅羅於雨絲皺渙渙於風縠渾
萬派兮千名併三岔兮一軸若其觸畦流馨沿疇渲青罍
罍沙步蘆葦煙汀社裏秧鼓門前畫舫千絲萬絲之柳十
里五里之亭是皆縈青繚白含膏漱液蟹舍量弓魚租論
石炊煙散農市喧遞夕人居蝦菜之鄉戶對鶯花之宅三
月上已競游春薄暮微歌聲滿津津邊春水日日長天上
恩波處處新淀神祠者乾隆年所敕建穹碑照耀福佑允
彰

特命秩祀因爲獻神之曲當龍池樂章詞曰崇祠煥景自

今白華堂文集卷三

堯年河海江湖秩比肩靈派遙將銀漢接飛檐直與玉虹
連潄潄水樂波心月澹澹雲旗鏡面天佳氣庥光效神化
六龍臨御是龍泉時祥飈送鵠蜺幃高颺凌虛經度萬象
在下所修各隄工以次厯呈於水上矣起清苑達臧家橋
爲千里長隄魚鱗蹙石輻輳延延枝流津通環溝轂轉咸
會於堂牆之內循三灘里而下爲新格淀隄又其南爲格
淀隄清渾接派勢幾并交虹梁中劃影落左右周覽遍審
一一皆遵

睿略以極繕完居人樂之歌淥水曲曰細草金隄滿淥水
銀塘隔已劃樓臺痕復界桑麻色淥水明前浦蓬蓬寫遠

春桃花何處漲自在泛舟人

皇上猶淵然思更召大吏

勛之曰惟茲庸防底屬豈惟予一人之勤是我

聖祖仁皇帝

高宗純皇帝所經營圖度於旰宵者也其可無宣勞衛民
以勿懈於保障大吏受

命而退因作三銘敬誌

聖蹟且自勉其將來長隄銘曰千里之隄兆人之命俾文
安之永安兮猶無定之永定格淀隄銘曰國舊禮水舊防
其可忘新格淀隄銘曰

命接而築之勤繼而續之焚機篤矣田疇沃矣癸丑至丁巳甘霖時降新漲動乎水驛經薛橋厯琴高祠渡揚芬港屬簾爲緯柱蒿爲殿批章引對悉猶宮庭此蹕程之懋於敕幾無在不如是者以永定子牙近在隄外排日閱視渚沱漳滏尾流演迤條河支暢神漢自湧羣臣侍

帝臨河至於下稷白雲起回風搖休氣四塞如幕上映騰淵象字赤文綠錯炳乎天苞之瑞所以光

帝典者實在乎此爰作河清頌並擬顯和樂章以紀受圖河清頌曰

皇道政理湯湯匯金隄朝紫闥喻甘泉流中唐齊仰鏡金

講於政典心儀靈囿不旣欣陟矣乎衆皆曰仙籙來至聖
我士氣若水在地

臣又敬揚繕具略曰繫平世銷五兵隱五刃銷於外隱於
內此之謂大順天生五材

聖人制而用之謂之法兵曹武庫青霜紫電其光掩匣
聖人以常德立武事以蒐軍實除戎器命所司辨旌鐃鐃
鼓甲兵之用物惟其備帷宮宿建寶幄宿設是爲紫房上
應太乙之玉堂惟三十六營布列於下周廬緹幕各按厥
方大纛黃龍三辰耀燭有華蓋雲護之惟豹尾八纛環拱
如儀統其金龍飛虎朱纓赤繩幟文有差

帝座鞅鞞之服以昭日月之容寶笥象載旣飭厥供惟貝
冑犀甲藍白鐵衣罽袍襴褕善敕以從唐弓以象天弧夏
服以象枉矢鞬鞞以象劍星御佩森羅羣象以翊北辰惟
烏號黃閒孟勞或屬或負具以式循房精降爲天馬日安
俊之黃整其絛纓龍勒以俟驂翔惟大宛蒲梢騂驪飛兔
控以鈎膺制以方釤咸用精良揚炬之屬惟佛狼惟綠沈
總干之屬惟綠藤惟龍盾罔不陳聲威之屬惟龍角惟夔
鼓惟螺擊刺之屬惟酋矛惟鶴膝惟戈罔不羅載燧之屬
惟衝搖惟輶車罔不儲護屯之屬惟木絡惟鹿柵罔不列
我軍士預具修以肅政典焉衆皆曰

曰

帝命簡師振威遐旬貝冑映日組甲耀電韜鈐素習七德
訓申櫜弓載賦海表靜塵甲子自津啟鑿取道望海樓而
北近瀛之壤縹風歡呀作歌當碣石辭其辭曰東臨碣石
以觀滄海滔滔直沽衆流奔匯山島崇崒陽谷尺咫紅雲
四見恬波不起畱都相望漕艘是艤倉庾比櫛層樓竦峙
邁彼登罽竇瀛錫社丙寅載止南苑

命舉春蒐園河薙草鷹臺飛鏃羽衛之士知講事度軌迥
異乎上林長楊因擬行行遊且獵之篇而反其意曰梁騶
闕郊藪靈囿萃飛翔清晨駐彩仗初日靜蘭防呼圍分兩

翼建纛臨中央平原盤馬地青林射雉場呦鳴或羣友公
迹靡潛藏雕弧燕尾掠金僕鸞翎揚三驅叶吉兆一發盡
材良欣言從甫草恥用賦長楊四月丁卯朔越翼日戊辰
聖駕至於京師清和啟序萬景修朗上儀既具嘉祥從集
炳矣煒矣平成之事歲而洪業賅矣由戊辰游辛丑計二
旬有八日慶典齋淪遠邇而洽錫天津及所過今年租稅
十分之三又貨積逋凡前乎十有一年者悉予除籍又普
免闔省十一年以前所逋十分之二比戶蓋藏盈甯自樂
東謳西缶之響咸誦仁恩采風之官將編錄成什作爲三
輔紀恩詩序其詞可約舉焉序曰夫綏屢頌於周而正供

有常力田詔於漢而賜復云偶蠲貸之典蓋曩昔所罕聞
況畿甸上腴豐和游告二百里納秸十三載乃同徵諸姍
貢斯其會矣乃逢慶澤覃洽沛綸渥膏勤徧省於春農允
助休於夏諺股肱之郡爲邑百廿餘粟米之征溢數二十
萬鳩通已弛鱗稅更減風疇有懷新之苗露隰晉向榮之
卉詎兆人樂得其欲而不加草斯應歟故宣上德抒下情
極淪浹乎肌髓播醇鬯於含詠雖清濁異響而遠近一致
錄其所述庶足以誌曠典焉至於扈侍臣工叨賜尙膳接
席饜飫需雲愷樂則作需雅其詞日文茵聯布盈鸞坡六
飲百味旨且多庶旌在列伶簫和充庭文綺燦星羅臣拜

稽首作飫歌千叟迎輦式彰人瑞精鏐粟帛之資臚愉飴
耄則作樂府當壽翁興其詞曰借問多壽翁修養用何術
云際太平時舒長荷化日扶鳩瞻

聖顏頤金澤洋溢上帛耀絲綸異糗抵祿秩引養復引恬
安俟芝與朮始知彭羨徒總在華封域臨軒試士增郡邑
弟子員人文蔚起輝聯奎壁則作演連珠二章其詞曰臣
聞重華立象披圖當巡雒之年文命衍疇受字在觀河之
日是以藻申景饒雅萃二而掩羣頌第炳麟典襲六而爲
七臣聞規鼓篋於虞庠藻芹擷秀聽鳴絃於夏甸衿佩揚
風是以雲漢天章光被析津之野璧雍海象澤流頻水之

宮燧商引課爲數鉅萬萬展期弛限禺筴流驩則作賈客
樂其詞曰蘆池五豪賈客多家家曝雪勝熬波積得牢盆
雪花厚囊金日贏子權母盤龍藏鋸學陶猗共說生涯賴
權司

皇家燧課什一計長願急公無後期恩言還比陽春煦繒
錢勿急輸泉府海潮聲裏聽雷歡一例農工與商賈營屯
斥堠遍增月糧士卒鳧藻則合劍俞弩俞矛俞之意作俞
兒舞歌其詞曰惟營屯樹葆翟迓辰旂什伍皆宿飽復增
糧與餼乃作巴俞舞不休劍弩錯列加之以戈矛蹈節應
規電驚星流動作順其理煒茲武樂修

帝恩廣覆莫不咸歡柔御舟烝徒暨南船供役者獻魚者
獻禽鳥者皆荷賞賚有差同聲感悅則扣舷擊楫作櫓歌
行其詞曰龍舟靜羽蓋通渚漾輕颺邪許萃紅帽鳴葭動
綠漪高橋列前後校艇紛旁馳彩翼翳雲繳錦鱗出泉絲
榜謳連弋人櫂唱和釣師朱提散斤曲鶚冠耀中坻修隄
之役發帑無算茲以程途儲待稍資物力復賜緡二十六
萬有奇加以甄守土之吏敘撥煩之勞錄及廢官兼頒赦
令軫恤倍至臣民共懷則相與鼓舞振興闡揚政化彙爲
原政一篇其詞曰自古仁政之行必曰損上益下其馭下
也恆厚於論功而薄於責過非務爲寬大蓋以裕政

政之行在乎奉法之吏吏或不知上所以益下之心則將忍爲腹剝而又未審於上之所以衡功過斯趨功惰而悔過也難今守官者皆言清慎勤矣

聖人慮其陰違乎是而巡守以察之復多方以勸勉之夫裕其經費而尙或擾及我民與有功見知而不思加勉於赦過宥罪之後不知感惕改悔以冀無復犯者豈人情哉然則清也勤也慎也皆

上之至仁也書堯典不云乎允釐百工庶績咸熙是則

聖人之所以熙庶績也已作原政於斯之時濟濟乎雍雍乎酌允鑠而着樂胥者厥聲盈耳也臣弇質薄植忝列文

千古今懿綱醲化比媿伊祁臣才固萬萬不逮古人然就
所見聞臚舉祥實禎圖載展春臺與遊述志敞詞職業斯
在爰擬撰爲握河記兼輯詩文以誌詠仁蹈德之盛其文
爲表一爲賦一爲銘三爲對一爲序一爲原一爲演連珠
二其詩爲頌爲歌爲謠爲曲爲樂府爲樂歌爲樂章凡二
十有六仰見醇風布濩吹萬咸暢詩大澤之博豐茂世之
規雖盈廷儁艾方藻被函帙奏御者千有餘篇而瑣詞拾
遺用備蒐採俾大雅閎達被飾厥藝作唐之一典以顯鑠
乎京垓億秭者或庶幾焉臣拜手稽首恭紀

政典九略

謹序 代

聖天子盧牟六合諧變萬方保大定功貞度考憲迺以御
極之十有七載季春吉日大閱禁廂騎士於南苑甚盛典
也臣謹按周官司馬掌政典蒐苗獮狩之儀布在方策至
晰且詳

國家兵制深嚴鼎猷冠古

皇上天聲通駿馨業光前緝典揚庥足以揜輝曩籍而臣
輟材菲質忝廁夏官幸獲躬預斯盛媿未能祓飾文明潤
色萬一自維職守所在不容無紀竊仰闕

廟略臚實敷陳沿黃石三略之名比司馬九法之數一曰

建威略以著旗籍二曰耆武略以昭

神功三曰豫訓略以崇

聖謨四曰表地略以規苑囿五曰繕具略以稽物名六曰
練材略以習卒伍七曰運樞略以次陣法八曰度軌略以
列儀注九曰旌賞略以秩恩賚維大閱爲政典之一仍綜
其大旨命爲政典九略宣諸軍士以庶幾約略閎規諷動
觀聽焉

臣敬揚建威略曰惟

聖清膺天寶命恢

聖策以造天寓選政於十亭揆文於三院敷績於五部

赫之靈隆隆之聲則存乎秉金法而垂矩焉扶輿磅礴之
雄氣鬱於白嶽運於黑渤是鍾材武其人魁傑闔門橫甸
之閒有十三戎甲奮翊

真人是能橫鉅海漂崑崙俄而雲翕雨集從飛龍以興天
老風后力牧岐伯悉致其衆

軒帝教之使悉爲熊羆貔虎是爲神用於是弦弧剡矢以
威天下俗以大嫺俄朵里之城布庫哩之山其人皆左紐
勒右斐蘭制以爲兵師營衛上應河鼓旁象天旗綢杠析
羽蔽景乎淶江之湄其旗黃紅藍白四正四鑲次位按部
列於八方是爲先天卦象

帝出乎震以循八風經八埜馭八荒燭乎三辰之下統以
貝勒率以額真析以兩翼莅以威神上帝令豐隆會之以
鼓盪咳極霆聲一震天下遂無無雷之國帝居上直紫庭
白玉爲京黃金爲城虎豹是守是互萬億千春

聖人欽翼皇象攝之於招搖之下鉤陳之右縣縣翼翼與
天並久故唐以神策興宋以雲翼分以方國軍猶蚊蚋之
於雷霆也我軍士亦知政典所託始乎衆皆曰允我權輿
基我

國家敢不究圖

臣又敬揚耆武略曰昔有九姓並爲猘獠鑿齒礪其牙角

天怒奮焉蹙諸鷺渾故城以漬潤寶鏐薩爾澍之墟有蚩
尤驅役衆邪昏霧四翳五兵如麻神旌掩之不踰刻而化
爲蟲沙天降二龍大白小白是供神馭躡松山之壘摧三
關之壁震句麗之東盪和林之北中原有棘叢實憑妖鳥
下民弗忍日夕籲天思救危於其頸迺張威弧而射之廓
乎鷗巢之隕也乾坤肇奠以來英規重襲龕靖四極

御旆三征乎沙漠將星臨於青海而狼歷惕息震輿之曠
天造神斷以十全貽謀犁嘿噉之部荒丁零之境俘花門
之首其界蓬婆其支的博其渡縫皮其硯肉薄自松江屬
乎蔥嶺經二萬餘里曾無遺鏃越海南曰閩嶠剪林莊二

豎削其礁線蓋鼈令之魂猶惴惴焉懾於虢贊也

聖人秉曾耆武烈光奮揚如日正午蠢乎白蓮之妖炷香
斗米小者爲蟣蝨大者爲蟲豸振芑鉦建薇旄者七年頽
以金鉞握以珠鈴馘飛俘走發蹤指示鐵騎所值曾不若
螳斧之膏隆隧故蠶叢魚鳧三巴九嶠莫不蘇於時雨鬯
於永風寥廓哉天地之潰鼃鼃蜚蜚相與嘯沫而鼓氛牙
璋命將橫海飈逝奠七鯤身救五羊城使天吳馬銜止厥
沸渭故大瀛所寰莫不風揚而月至此所謂政典以平邦
國我軍士其敬念之矣衆皆曰丕哉武烈永靖苞葉我思
無斁

臣又敬揚豫訓略曰蓋聞魏氏之武卒不可以遇秦之銳士桓文之節制不可以敵湯武之仁義兵家之說以爲疾如風徐如林不動如山難測如陰奪氣者治氣奪心者治心彼於智術則有餘惜哉未探其本始而徒貌襲乎素書仰惟

列聖昭武誼於大匡治九功苞七德以建立軍令布在憲章重光赤奮若之歲頒條四十距今八十有二年久而愈習著雍敦牂之歲頒條三距今六十有四年若槩相襲闕逢敦牂之歲頒條十距今二十有九年備哉紀律皆所謂廟戰法天道神化法四時

聖謨洋洋畏神服教以成仁義之師夫國容不入軍軍容不入國今福成於上軍不出閭閻不出橐雖有甲兵無所陳之甘其食美其服安其居樂其俗

聖人曰仁義萬事之將也古者太平不忘治兵治兵不忘所尚蓋弓調而求勁馬服而求良士樸澹而後有勇知方淫好破義淫動破禮烏飛準繩曾萬家之都而或違視履積於不涸之倉者屏浮靡也下令於流水之源者崇廉恥也國書騎射詔詞屢申又錫之以箴訓使躄本肇末抱義懷仁三經旣飭乃以大愷所謂虎豹得幽而威可載首首然

聖人之道萬世爲福萬世爲教我軍士遵茲庶敦崇政典
哉衆皆曰欽哉訓詞毋恬毋嬉生成在斯

臣又敬揚表地略曰夫古時頒禽必萊田表埜岐周之東
有甫草緣其地勝遂登於雅南苑實惟奧區神皋周環百
六十里直天都正南與西苑後湖相望象神洲之三山蝦
蟄泉注之醴以爲七十二渠琅玕一色駕鵝鵬鵠恆蔽淥
而鼓翼其上七十二橋玉虹交互覆以花柳猗猗韡韡徑
達於紅門舊爲飛放泊爲二十四園瓊華之室紫翠丹房
旁市蕙圃中闢蘭唐飛豹文犀蒼豨巨狴麋麋獫狫之屬
縱橫轆轤不可殫紀蓋天設梁駟以待

聖皇天聰崇德之閒景命旣鑠聿殪麻符黃羊是獲後迺
閔度九地爲春田之所昉昉鱗隰守於海戶作息者千八
百人熙然耕煙而課雨焉曠壤宜治軍

聖人以順陰陽之勢蓋

四聖逮今十有二舉於斯故積和之氣沖融涵煦蔚乎金
碧琉璃之宮東西對峙其閒多神芝玉草華平紫脫連延
二十里翼乎靈臺是名晾鷹乃仁虞舊院多玉海青茲焉
駐蹕以致非熊而徼麒麟湛乎靈沼醴泉所出是名飲鹿
多玉石文藻陂陀倒影麇鹿濯濯暮春二月吉戊旣訊細
柳依列大樹值表瓊條青蔥無風而神籟自韻也我軍士

巡方擬顯和樂章曰

聖德允孚祕象柔祇明效昌符著莖並演義籙蘭葉載媿
軒圖開運中天光治編文東序臚愉戊午幸天津郡城閭
閻按堵列隧開廬春甸皞熙六龍舒轡徐抵乎柳墅行宮
則軒廳堂室攸甯攸芋茨階栝柱樸而彌文蓋祇奉

詔旨凡行在所無敢稍事增華庶民子來觀成不日擬宮
中三臺辭以頌仁儉焉其辭曰藻野園林競秀蘭宮雲日
相新八景春連十景

一人樂其萬人自笑自眠花柳暢飛暢舞禽魚人事何煩
藻繪化工作意吹噓是日厯崇禛觀暨望海寺俱虔申瞻

禮翼日詣海光寺並遣祭海神風神各祠宇人天法界普
甄靈貺蒙福禴紀歆秩者作舍利弗詞及步虛詞及神絃
之曲舍利弗詞曰慈風暢蓮渢寶月印禪林曼珠福利普
禪界妙香深步虛詞曰絳闕靈香透玉虛上元助福薦金
書萬神捧敕來朝禮雲海朝騰八景輿神絃曲曰搏桑對
門天宇曉一杯海色瀉天小靈芝瑞馥噴水宮蜿蜿黃龍
作煙繞遠帆帖鏡鏡無波相鳥不動千檣過風瑛水瑟長
日靜但聞海上簫聲多己未臨閱營陣滄瀛重鎮外控沙
壘承平臥鼓猶嚴訓士所以明防海之要不異防河屬在
師干益勵武節奉揚宣威布德之大猷作治兵大雅其詞

帝飭五戎敢不敬其壯矣軍容

臣又敬揚練材略曰古之教民惟文與武一右一左故在國溫而文在軍抗而立行遂而果南山之竹其材中筈不筈而鏃之不足以及遠耶谿之鋌赤山之銅足以截蛟螭剗犀兕者由斷由鎔夫勇可以養而致熊羆之士膂力方剛故旗弊火弊車弊胄以作民於蘭防

聖人旌養人器廣鞠輶宏鑪構肅肅兔置干城之寄迺詔師氏虎臣臥鼓息烽惟訓練是習卒旅伍兩非有事西疇孰假詞於耕耜之隙天目臨乎四維翠罕天畢旁周月壘陪都畱幹津沽臺麓三輔咸飭其師干陳其衿服贊其桀

俊厲其勇技焉兵莫勁於八旗綠營百不當一前矛日前
鋒典禁曰護軍曠銳曰驍騎皆中黃育獲蒼頭奮擊

聖人鼓之舞之使師貞以律仰山之窪有徒如雲統戎先
庚而奉令使蹶張超距邁倫軼羣香山之營藍靛之廠如
山如川增茲浩穰以彰前謨於令甲使皆稟卬武義翹材
日廣蓋衛勇韜力衆心之操捨也軋剛坯柔造化之陶冶
也我軍士其勉副政典乎衆皆曰鶩而使鶩鶩而使驥以
奮以企

臣又敬揚運樞略曰夫軒轅八陣兵法之祖也軀軀乘之
衍爲六十四陣以八乘八錯綜參伍猶無以究陰陽變化

之奇而極數於不可數

聖人握奇運策囊括法象三隊以象參分翼爲二以象兩
天九地十故九進連環八卦成列故八門迭蕩陣圖預授
六師親巡揚金芝趨關戟入卯出酉舉麾令申龍吟而海
水激鯨吼而冷風起鞭五丁使移山巨防屹然以截水重
城開閤驅濤涌雲盪壑盪厓蓬駭栗轉魚頡鳥頡霧橫煙
斜爲六花爲練爲線爲鵲鵲無聲爲玉女巧眩爲火器爲
霆爲列缺爲烽爲星枝火樹爲赤鳥爲鍾山之燭龍爲舞
盾爲翼爲箕爲堵牆爲背鬼爲山谷震爲鵬運爲獸躩踞
爲交衝爲旋駝爲驟雨爲繼爲兩山合爲蚺莽爲龍怒鶚

爭爲振旅爲波息爲鱗爲魚貫爲鯨掉尾爲衆星迴次天
地其形耶風雨其氣耶龍虎鳥蛇其勢耶圖象易知神明
難知以易知蘊難知非天下之至神其孰能與於斯我軍
士知政典之中固有微妙不測者耶衆皆曰我陣堂堂臨
以

聖皇神應無方

臣又敬揚度軌略曰懿哉

盛世之講武也修容乎禮園翺翔乎義圃也軍禮爲五禮
之一以習威儀辨等列

聖人設之表儀陳之藝極法駕啟乎行殿虎賁羽林期門

伏飛咸肅厥容或前驅或後扈所謂平平左右亦是率從也閱營之會六飛由黃道中行鶴列回向屏氣息聲所謂悠悠旆旌徒徧不驚也音器遞宣抗墜抑揚執同律以聽之所謂鼓聲不過聞鼙聲不過聞鐸聲不過聞瑗也進步度以丈尺弗卻弗踰所謂鼓進鳴鐸車驟徒趨及表乃止坐作如初也成列之始啟鹿角就門縶鱗次相比先後無越所謂率其車徒以序和出也雁行合綴呼譟疾馳聞金而止不敢以騁所謂田不出防戰不出頃也進居最前退則爲殿適還其屯所謂出用其力入返卑尊也奏饒歌樂章以始終條理所謂得意則愷樂愷以示喜也洋洋乎上儀

理大物博志敬而節具摘之

宸章聲爲律身爲度然後揜羣雅第嘉頌斟範酌憲軌物
咸綜我軍士幸與斯盛亦思政典之所以爲典乎衆皆曰
禮陶樂淑示我以鵠永矢習服

臣又敬揚旌賞略曰武有七德其七曰豐財

聖人以阜養萬物普德施於八埏九垓惟八旗根本若嘉
禾之滋日蕃厥族屢詔擴充舊額計丁授甲以育之戶冊
以均餽糈上旬則預其會都內以供租庸歲終則廣其貸
慶典以增月糧遇時則稠其賚天鑒我

皇上將舉仁惠之虞特薦時玉以鵠祓馘大澤將至有

必先自正月始吉已肇頒恩之茂典焉和門春晝惠風扇
晴百禮旣洽慶賜遂行需雲錫宴將帥以班旁及卿士耀
厥佩祓文綺綵繪爛於錦市迺命太府少府選三品之精
鏐儲如山積布如川流卒旅伍兩皆如挾纊人莫不欲善
聖人獎之人莫不欲富

聖人貺之凡禁衛牙兵來自東土世爲手足腹心國恩所
逮涵濡百數十年之深承鴻庥酌允鏐有樂磬京垓億秭
方繼自今猗歟政典之瘳所以饜飫我軍士者詎有涯量
歟於是衆皆連忭鼻藻二呼萬歲而頌曰旣禱武衛圖鞏
萬歲式敷大惠社縣萬歲仁治典備光昭萬歲